



19 MAR, 2026

11,000 petugas TNB siap sedia pastikan bekalan elektrik stabil

Harian Metro, Malaysia



11,000 petugas TNB siap sedia pastikan bekalan elektrik stabil

Kuala Lumpur: Lebih 11,000 petugas Tenaga Nasional Berhad (TNB) bersiap sedia sepanjang sambutan Aidilfitri bagi memastikan bekalan elektrik di Semenanjung Malaysia kekal stabil dan berterusan.

TNB dalam satu kenyataan semalam memaklumkan anggota terbabit akan bertugas secara gilirian selama 24 jam bermula tiga hari sebelum Syawal.

Ketua Pegawai Kanan Rangkaian TNB, Ir Maha-

thir Nor Ismail berkata, pihaknya membuat perediaan menyeluruh bagi memastikan bekalan elektrik yang stabil dan berterusan sepanjang Aidilfitri bagi membolehkan umat Islam di Semenanjung Malaysia menyambut perayaan ini dengan selesa.

Katanya, TNB menggerakkan pelan kesiapsiagaan operasinya termasuk melaksanakan beberapa projek menaik taraf sistem rangkaian bekalan elektrik di seluruh negara

dan memantau sistem rangkaian serta kritikalnya secara berterusan.

“Pasukan teknikal TNB akan memantau rapi keadaan sistem sepanjang musim perayaan dan bersedia mengambil tindakan segera bagi memulihkan bekalan sekiranya berlaku gangguan.

“Komitmen ini penting bagi memastikan rakyat dapat membuat persediaan dan menyambut Aidilfitri dengan penuh ceria lagi selesa bersama keluarga,” katanya.